



SAOPŠTENJE ZA JAVNOST

Presuda od 5 godina i 6 mjeseci zatvora zbog razbojništva

(Brčko, 23.10.2025. godine)

Vijeće Osnovnog suda Brčko distrikta BiH nepravosnažno je osudilo Ermina R. (37)* iz Sarajeva na kaznu zatvora u trajanju od 5 (pet) godina i 6 (šest) mjeseci zatvora zbog izvršenja krivičnog djela "Razbojništvo" u Brčkom u augustu 2019. godine.

Podsjetimo, u večernjim satima dana 28. augusta 2019. godine u prostorijama poslovnice „Lutrije BH“ u ulici Bulevar mira u Brčko distriktu BiH, izvršeno je krivično djelo razbojništva od strane maskiranog lica. Nakon sprovedene istrage i otkrivanja počinioca, Tužilaštvo Brčko distrikta BiH je u augustu 2020. godine podiglo optužnicu protiv Ermina R. (37)* i Eldina K. (38)* iz Sarajeva zbog osnovane sumnje da su sa ciljem sticanja imovinske koristi, uz prijetnju upotrebe vatrenog oružja prema zaposlenoj radnici „Lutrije BH“ oduzeli dnevni pazar u iznosu od 903,00 KM, čime su izvršili krivično djelo "Razbojništvo".

Obzirom da je jedan od počinilaca ovog krivičnog djela bio nedostupan duži vremenski period, došlo je do razdvajanja krivičnih postupaka u odnosu na naprijed imenovana lica, te je prvostepeni krivični postupak protiv optuženog Eldina K. (38)* iz Sarajeva još uvijek u toku pred Osnovnim sudom Brčko distrikta BiH.

U odnosu na objavljenu presudu, Tužilaštvo Brčko distrikta BiH je u prvostepenom krivičnom postupku uspjelo dokazati da je Ermin R. (37)* predmetnog dana izvršio kvalifikovani oblik krivičnog djela "Razbojništva" iz člana 283 stav 2) u vezi sa stavom 1) Krivičnog zakona Brčko distrikta BiH, zbog čega je pred vijećem Osnovnog suda Brčko distrikta BiH osuđen na kaznu zatvora u trajanju od 5 (pet) godina i 6 (šest) mjeseci.

Nakon prijema pisanog otpravka presude, Tužilaštvo Brčko distrikta BiH bit će u prilici izdati opširnije pisano saopštenje za javnost.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**